

# OMUKWETU



Oshifo shOngerki onkwaevangeli paLuther yomOwambokavango/Die Tydskrif van die Evangeliese Lutherse Ovambokavango Kerk

No. 6

MALITSA

1968





# OMUKWETU

Malitsa 1968

## ONGHUNDANA YO-SHOONGALELESHO-MAPANGELONGE-RKI ELOK NA ELK

Oshoongalele shomapangelongerki eengerki yOwambokavango noyomOushimba, odo tadi longele kumwe osha ongalele 15.2.1968 mOvenduka. Eendjovo dehovelifokundo oda tumbulwa komuwilikingerki yomOushimba, omushamane Diehl nosho komubishofi Auala. Omushamane Diehl oye a wilika oshoongalele.

Omapangelongerki okwa ongala, unene omolwokukundafana, nghene di longe oshilongatumo kuKongo, osho sha hovelwa nale nokuli kongerki yetu. Ongerki yomOushimba oya yambuka okukwafa moshilongatumo movayebele kuKongo. Nokuli muyo omwa yoololwa Salinde Xoagus, Ananias Gao-Gäseb naJesaja Afrikaner, ovo va xwama nde otava ka tumwa diva va yakule kuKongo opamaudafano nopamafimbo taa wapala. Okwa indilwa yo omuhongi Lubke e uye kuKongo nokuyakula unene pefimbo omufitaongalo Paulus Andreas ta kala muSoomi.

Omubishofi Auala okwa pandula medina longerki aishe ehala liwa lokulongelapamwe oshilongatumo movayebele olo la holoka momwamemengerki. Oinima ilili nai lili tai ehenifa komesho oshilonga mepya lomwene novanashilonga nghene tava kala, oya kundafanwa.

Oshoongalele osha xulifwa neilikano komufitaongalo Tomas Shindongo.

### OUNYUNI

Jesaja Ulitala Ngumbilemo, Onheleliwa, ota nyola ngaha:

Ovakwetu nye, ounyuni oshinima tu shi weteni vati ngeno oshiholike shetu. Ame ohandi shi yeleke nobautu i li kombada yomeva efuta. Omhepo yomefuta ngenge ya tukuluka, obautu otai twalwa ashike oku inai hala. Ondi shi wete yo kuty, omunhu waKalunga ota dula okutwalwa oko ina hala, ta twalwa komakufikufi ounyuni. Dama Jesus Omukulili woye, oye te ku findile omakufikufi ounyuni.

## OIVILO NOYOONGALELE MONGERKI ONGHWAEVANGELI PALUTHER YOWAMBOKAVANGO MOMUDO 1968

- 21-22.2 Oshoongalele shovafita moshitaingerki shomOukwanyama.
- 17.3 Efiku lelikano lovakulukadi aveshe mounyuni.
- 19-21.3 Oshoongalele shovafita novaevangeliste moshitaingerki shomOkavango.
- 22-23.3 Oshoongalele shovapashukilishitaingerki mOkavango.
- 31.3-2.4 Oshoongalele shoshitaingerki moshitaingerki shomOkavango Lupala.
- 3-4.4 Oshoongalele shovawiliki vovanyasha moshitaingerki shomOndonga.
- 4-7.4 Oshoongalele shovawiliki vovanyasha moshitaingerki shomOuninginino, mOnawa.
- 3-7.4 Oshoongalele shoalongi veefikola dosondaha mCkavango.
- 9-11.4 Oshoongalele shovanyasha moshitaingerkt shomOkvango, Nkurenkuru.
- 13.4 Oshoongalele shewilikongudu loshilonga shomokati kovanyasha, mOkavango.
- 13-15.4 Onhanda yovakongindjila mOnguediva(ovamati)
- 16-23.4 Onhanda yovakongindjila (oukadona)mOndonga.
- 12.5 Efiku lovadali momaongalo aeshe.
- 24-26.5 Onhanda youmatyona moshitaingerki shomOuninginino, Endjono.
- 3-7.6 Oshoongalele shoalongi veefikola doshondaha moshitaingerki shomOuninginino, muTshandi.
- 7-9.6 Oshoongalele shovanyasha moshitaingerki shomOndonga, Oshigambo.
- 10-12.6 Oshoongalele shoalongi veefikola doshondaha moshitaingerki shomOukwanyama, Ongenga.
- 14-16.6 Oshoongalele shoalongi veefikola doshondaha moshitaingerki shomOndonga, Oniipa.
- 14-16.6 Oshoongalele shoshitaingerki moshitaingerki shomOuninginino, Onangalo.
- 28.6-1.7 Oshoongalele shovakulukadi vovafita vongerki aishe.
- 29.6-1.7 Oshoongalele shovanyasha moshitaingerki shomOuninginino, Etilyasa.
- 3-5.7 Oshoongalele shoshitaingerki moshitaingerki shomOukwanyama
- 4-5.7 Oshoongalele shoshitaingerki moshitaingerki shomOndonga.
- 4-7.7 Onhanda youkadona vomongerki aishe mOupundi.
- 7.7 Oshivilo shetumo shongerki aishe.
- 11-14.7 Onhanda youmatyona vongerki aishe mOupundi.
- 9-12.7 Oshoongalele shovafitaongalo vomongerki aishe mEngela.
- 19-21.7 Oshoongalele shovanashilonga aveshe moshitaingerki shomOkavango, muMupini.
- Oyoongalele yovalongi veefikola doshondaha mOkavango Mpungu.
- 22-25.7 Nkurenkuru 30.7-2.8 Lupala 3-6.8 Mupini.
- 26-29.7 Onhanda youkadona moshitaingerki shomOndonga.
- 9-11.8 Oyoongalele yovawiliki veengundumbibeli mOkavango: Lupala.
- 26-27.8 Mupini.
- 29-30.8 Mpungu.
- 1-2.9 Mpungu.
- 4-5.9 Nkurenkuru.

*Etsikilo kep. 6*

### Embo epe lya holoka

Mostora yOmambo Oniipa, Omwa holoka ngashingeyi okambo okape kedhina; OKAMBO KEHISTORI St. III ka longekidwa kuLahja Lehtonen.

Okambo ka tya ngaaka nonando ka nyolwa St. III, otaka opalele okuleshwa kushaangoka a hala oku- uva sha kehistori lyoshigwana she niigwana wo yilwe yaaluudhe mu-

Suidwes alihe, nkene ya kala pethimbo lyonale manga ongolo yakamulilo inaayi tula moshitopolwa shika shaAfrika. Otaka popi wo pafupi omahala mpoka Aaluudhe ya ziilila, sigo ya thika pOshamba, mego- ngalo lyOlukonda mOndonga.

Okambo ka tya ngeyika okiili hako Afrika yUuningininomutenya. Oka hokolola iikulunima pafupi ihe oya yela nawa ki ilandela ano mba- la otaka gu 35c adhike.

# OMUNGOME WOMWENYO

Joh. 6:48-57.

“Ame omungome womwenyo,” osho Jesus a tumbula. Okwa weda ko vali a ti: “Ngenge umwe ta li omungome ou, ota kala nomwenyo. Oshili handi mu lombwele, ngenge itamu li ombelela yOmona wOmunhu nde itamu nu ohonde yaye, kamu nomwenyo munye vene.”

MOuvalelo Uyapuki ohatu pewa omungome nomavinyu nelombwelo: Tambula olutu nohonde yaJesus Kristus! -Otashi ti shike?

Ou a tambula Jesus ngaashi omuxupifi waye, otashi ti oku nomwenyo waalushe. Ou momutima waye tamu pangelwa kuJesus, okwa hepuluka, okwa fa omunhu e noikulya ihai xulu po nde ihai pu po. Ou a itavela Jesus nokwe liyandja kuye, te mu dame nomeefina nomaudjuu fiyo alushe, oye ota ka mona omwenyo waalushe. MuJesus amuke exupifo alishe tali monika, pondje yaye kape nexupifo. Okwa nyolwa: Koshi yeulu kaku nedina limwe li lili omo hatu xupifwa, ndelene muJesus amuke.

Tashi ti: Ohonde yaJesus Kristus oyo aike tai kufapo omatimba onyuni. Okwiitavela Jesus neitavelo itali tenguka, oku! epaulula omatimba keshe efiku, okweenda medimepo lomatimba, okuliefela mepangelo laye, okudjala olupe laye, ei oyo tai yelekwa nokulya nokunwa olutu nohonde yaJesus.

Ngenge hatu kukuma Jesus nde inatu mu hala, itatu mono exupifo. Ou aeke te mu tambula, ota xupifwa. Jesus a hepekwa fio a fya momushiakano fye opo tu xupifwe. Oye e uya mounyuni, opo e tu hakule keemwenyo, e tu hepulufe, a humbate onyanga yetu ndele hau-xuuninwa e tu twale meulu.

Ovaleshi, inamu pilamena oukriste nde inamu ekelashi Kristus. Nomefimbo lefundja lomutondi la panukila mOwambokavango, dame ni Jesus, oye omungome weni. Kondjeni ekondjo liwa. Inamu pukifwa nande kusha. Ohonde yaJesus otai mu findile moinima aishe tai mu nyenge.

Ndele ngaashi mwa tambula Kristus Omwene, osho kaleni nokwenda muye nokutwama muye. Endeni meenghono dohonde yaJesus, ndele udifeni efyo lOmwene fiyo oye ta aluka vali.

L. M. Shemuvalula.

# ELONGELOKUMWE TALI PUMBIWA

Ope na oshinima shinene osho tashi pumbiwa kufyeni atushe osho **elongelokumwe**. Otali pumbiwa meengudu edi: Movanashilonga, momaongalo, momikunda, momaumbo, mepangelo, mongerki aishe nomoshiwana.

Movanashilonga. Ope na ovanashilonga vape opo va i moilonga odula ei 1968, naava yo va kala nale nale moilonga. Mongerki yetu omwa hovela yo ovanashilonga vape ovo ovalongi, ovadiakoni novahakuli, novoilonga i lili noi lili.

(a) Ovalongi meefikola otava pumbwa **elongelokumwe**. Opo va twike oukumwe wakola mounona mangha vanini. Nomhepo iwa yopakriste i tandavele moshiwana. Osheshi onunona ovo tava ka ninga oshiwana komesho.

(b) Ovadiakoni, mokulonga momaongalo otava pumbwa **elongelokumwe** novanashilonga vakwao. Ngaashi ovafita, ovaevangeliste, ovalongi novahakuli novayakuli aveshve vomeongalo. Mokulonga momaumbo, momikunda, moyoongalele i lili noi lili otava pumbwa ovanashilonga vakwao.

(c) Ovahakuli mokuhakula omaudu inava dimbwa ouhaku womwenyo wovanaudu notava dulu yo okukundafana nombili novanashilonga vakwao pamakwafo oo tave a pumbwa, onghe **elongelokumwe** otali pumbiwa.

Meongalo - Ovafita novaevangeliste novanashilonga aveshve otava pumbwa **elongelokumwe**, moinima i lili noi lili oyo tai tungu notai kulifa omwenyo womuKristus Jesus.

Momikunda - Ovakriste ovaitaveli otava pumbwa **elongelokumwe**, opo va dule okuyambidida nokutwa omukumo ovakriste ovashololi noonakuloloka noku va twala kuKristus. Nokushilila ovapaani kexupifo.

Momaumbo - Oonakudika omaumbo otava pumbwa **elongelokumwe**, opo va dule okufimaneka omaudaneke aKalunga oo va lombwelwa efiku leyapulo lohombo yavo. Nonona yo nava tekulilwe ouhamba waKalunga.

Mepangelo **nomongerki** otamu pumbwa **elongelokumwe** moinima i lili noi lili. Nava kondje pamwe nokudiinina eemhango dOmbibeli paenghono doshili yevangeli. Opo va li kolele Kalunga ovana ovamati noukadona tave mu longele.

Oshiwana - Ngenge oshiwana tashi dulika keendjovo nokeemhango daKalunga, nena oshiwana otashi

# KONGA OMBILI NOMUKWENI

Jesus ta tumbulile ovahongwa vaye moku va tuma: Indeni, tala, ohandi mu tumu ongeedi mokati komabungu. Olo etumbulo letu yo.

Inda, indako kumukweni a puka u ke mu pukulule. Mukweni winya okudja ouduaali ihamu popi naye. Indako u ke mu pe ombili. Inda meumbo lavo, inda kumeme woye, kokamwoye, komulelwa woye, kukahewa koye nokumushiinda shoye mu paafane ombili. Inda u ke mu kwafe, u ke mu hekeleke. Inda ko ino tila. Inda nemanguluko, we lixupipika ove u nombili moshipala nomomwenyo, opo to mu li kola.

Ino kala wa kanifa ombili no-neudo. Inda u ka hepaulule omaudjuu oye komufita ile komulinekwa e li popepi naave. Pokati keni nOmukulili woye napa kale pa yela, ino tya, hinga ndi ya fiku limwe. Efyo otali ku vakele, onghe lilongekida diva. Jesus ote ku findile. Omabungu onyuni okwa findwa kuJesus, onghe enda moupe womwenyo neudo.



Israel Neumbo.

kala shi na elao. Ombibeli otai ti: “Oshiwana shi na Kalunga kasho osho oshi na elao.”

Ope na oshinima shimwe osho tashi imbi elongelokumwe osho **Ouame**. Omhepo yatya ngaha youame otai tungulula shihapu nde tai eta ashike etondafano nokuhenakonasha. Natu kondjifeni omhepo ei ii. Dimbulukwa etumbulo eli: “Ou a hala okuninga omunene, na ninge **omuyakuli** waaveshe.”

Aishe ohatu i dulu nokufindana ngenge tu na **OHOLE** yomuJesus Kristus Omwene wetu.

Omudiakonissa T. M.

## ONAINI SHA NINGWA?

Osha hovelwa lwopeedula 31 eshi Kristus a dalwa (k. Kr.). muJerusalem. Osha twikilwa nokutavakana omaunyuni oo aeshe fiyo mefiku eti- 1 laDeseba 1967 osha ningwa yo mOngerki onghwevangeli paLuther yomOwambokavango. Votete ova li hembali, ndele ava ova li 31, oukadona 17 novalumenhu 14, mangha votete va li ovalumenhu aveshe. (Oil.6:5).

Ongula yefiku olo oshipenima sha teelwa nehafo. Omubishofi Dr. L. Auala, pamwe novayakuli vaye, osho yo ovayapulilwa moshilonga osho **SHOUDIAKONI** - omutete wa finda mongerki yaNgela. Omhola oya li iwa nokutala. Omesho nomadiladilo taa lovelele kwinya keembinga neembinga oko oingudu, ovapofi, ovafitamawindaka, ovafiyekadi, eefiye, novayananhwengu novanaudu voshinamenena kumwe neengholwedu, tadi ka mona ekwafu. Oupuna omunene tu u na mongerki! - Meyapulo ovadiakoni ovatumwa Ovasoomi, ova kala ovafikameni voiveli ei yotete mongerki yetu.

Eshikulafano loshiningwanima eshi, eyapulo lovadiakoni, otali shiivika nawa komesho nghe li li, mongerki. - Ovahongwa naini oshilonga eshi sha fimana? Oukadona ova hongwa eedula nhe mEnongelo lovayakuliongalo nova pita 1966. Odula 1967 ova kala nokuli moilonga, ndele kakwa li va yapulwa mangha. Ovalumenhu ova hongwa eedula mbali, osheshi aveshe ova kala nale mofikola nomoshilonga showevangeliste, ova pita fiku va yapulwa.

Ovashivwa ova li vahapu. Omakundo yo avo okwa li mahapu, ngaashi lamwene woshilongo G. Kautwima: "Onda hafa eshi koshikwi kwa wedwa... "Oshilonga nge nge tashi longwa kovanhu vahapu otashi longeka." Ekundo lakomufala waUkwanyama la etwa komuponhele waye H. Haludilu: "Ohai hafe eshi nda mona ovanashilonga vakwetu va weda nge mokuyakula oshiwana...."

Ovadiakoni ava omo ve li noilonga okudja eti- 15.1.1968. Nande eenhele adishe tandi pumbwa ovadiakoni inadi pwako, ava otava etele epuniko linene opo tava longo. Natu va indilileni eenghono defiku keshe. - Ongudu ipe otai hovele noneudo yo, onghe opo inapa ya mangha otapa ka mona yo konima yokafimbo, omudiakoni. - "Holla mukweni ngaashi u lihole mwe ne."

Tatyaamona.

## A XULIFA EENGEDA

Omwevangeliste Immanuel Kamho, womuSwakopmund, ota hokolola efyo lomushamane A. Asino lombadilila, a lyatwa komashina poshashiyona yaSwakopmund eti- 11. 2. 68, ngaha:

Tatekulu Asino okwa lekelenge: Ohandi ka talela po ondenge yangete moshihakulilo shaUsakos. Tate Kamho kala po mangha nawa. Omunhu ku shii oko to i, oho shiiva oko to di. Tambula oimaliwa R 38.50 ei yeongalo. (Oimaliwa oya dile mObazaar twa ningile). O, nani ngaashi a tonga "omunhu iho shiiva oko to i" oshili.

Eshi twa tala ohonde tai kunguluka poshashiyona nomakipa taa monika a tekauka ngaashi eshina eshi le mu kokolola, otwa haluka shili.

Epulo olo eli. Efyo letu naave otali fe mbela peni? Onaini handi tulwa mombila? Asino okwa li ependa moukriste, ina tonyala nande. Okwa kala ha tu nge omukumo moilonga yaye. Tala, ove yo onakufya. Omwene woye ina hala u ka kane ndele u ye momwenyo waa-lushe. Efyo okwe li teyaula po filu, 1Kor.15:54b. - Efyo, efindano loye oli li peni? Tu tumbuleni: Kalunga nahambelelwe, ou te tu pe efindano omolwOmwene wetu Jesus Kristus!

I. Kamho.

## OMAKUNDILO

Onda kala ethimbo ele muLuderitz moka nda kala nokukwatha aakulukadhi yAawambo aakwetu mongundumbimbeli yawo.

Sho twa li tu na okutembuka ko omolu iilonga yomusamane gwandje, Aaliindili oya li yi ipyakidhile shili okuningila ndje oshituthi oshinene shelaleko. Nando sha li sha fa oluhodhi sho tatu topoka, osha li wo enyanyu kutse oshoka otwa kala momuzimbi gwoohapu dhaKalunga.

Ongerki ya ningwa komuhongi Kuhres. Aakulukadhi yAawambo noyAanama mboka twa kala mekwatathano limwe nayo, oyi ipyakidhile okupa ndje iikulya yokomwenyo mbyoka ya pe ndje oonkondo sigo onena.

Oonkondo dhomondjila ye dhi tu zaleke wo. Oya gongele omaganogendji ngoka ye ga pe ndje.

Tangi kune Aaliindili aakwetu kwaayihe mwe yi ningile ndje. Tu kaleni mekwatatha limwe.

Lea.



Nakusa A. Asino



Nakusa Johannes Ndeilenga

Omwevangeliste. I. Kamho ota hokolola natango efyo lombadilila laJohannes Ndeilenga. Ndeilenga ina shiivika okwa fya koshike, Kamho osho a shiivifa. Oye umwe a li omulineekelwa nomuhopaelelwa muwa meongalo, heeno, Omwene a ila po omupiya waye.



Lea Sakeus nookuume ke muLuderitz.

## OVAHAKULI 8 VA TETHEKWA OMAKE

Mepya lOmwenene mwa wedelwa ovalongi vape. Oukadona 8 va hongwa eedula nhatu mOnandjokwe, 27.2.68 ova tenhekwa omake mongerki mOniipa nde va tumwa va ka yakule oshiwana mombinga yohaku.

Ova fikamene koaltari va djala oikutu youhaku. Omukulunhutumwa Arvo Eirola pamwe novafitaongalo P. Shipena naJ. Nghilundilua, va yakula moaltari. Omukulunhutumwa a lesa Mark.10.43-45. "Ngoka a hala a ninge omunene, na ninge omukalele gwooyakwawo," osho ya popithwa. Omukulunhutumwa e va longa nokwe va fatulila, nghe ondjila yomunashilonga omupe mouhakuli i nokukongwa meixupikiko. Tai kongwa melidilululo nomehepaululo lomatimba, olo tali monika muKristus amuke ou e liyandja omuhakuli nefyo lomomushiyakano. Ova popifwa nova tuwa omukumo. Ova tenhekwa omake nokunangekwa noupuna.

J. Nghilundilua a ninga eudifo mokulesha Mat.5:14. Exuku leudifo la li "Onye ouyelele wounyuni" nomuhakuli oye na kale olamba tai minikile nokuyelela vahapu te ke va yakula.

Oshivilo osha twikila natango mOnandjokwe. Ovadali novahakuli vape novalongi vavo va yakulwa noikulya nokonima ongudu ya ongala mongulu yofikola yovahakuli. Mwinya mwa li omapopifo mahapu. Ovahakuli vape va tuwa omukumo nde va pewa onghuta yokomwenyo mokuhovela oilonga. Ovadali va pandula nde va hambelela Kalu nga omolwouteku ovana ve u pewa mOnandjokwe.

## E TU THIGI PO

I. Namutenja, Bantodorp (Oluno), Ondangwa, ota hokolola kombinga yomulongi nakusa Leopold Nangolo, ngoka a si omasiku ga zi ko ngeyi:

Oskola yopOluno oya adhika koluhodhi olunene ombadhilila omolwokusa komulongi, nenge tu tye okudhipagwa kowina eti-29.2.68. Okusa kwe kwe tu halutha.

Mestela nguka okwa piti moseminari omumvo 1954. Okwa longo oskola pomahala nga: pOngwediva pongulu 1955 nokomeho okwa longo kOmupanda, kOkaku pongulu kOshikondiilongo nokwa hugunine 1967-29.2.68 pOluno.

Mestela okwa thigi po omuselekadhi naanona ye yatano. Otse ookuume ke otatu halele omuselekadhi nguka noothigwa mbaka etalalekohupulutho tali zi kuHe yoothigwa megulu.



Okudja kolumosho ovo: Hilka Nakanyala, Saima Ndayomuku, Rakel Kaukungua, Ester Shidute, Saima Martin, Klaudia Shidjuu, Rakel Shekunyenge naLoide Amukuaja. — Ova nangekwa moilonga ngaha: Rakel Kaukungua naLoide Amukuaja kOkavango. Rakel Shekunyenge naKlaudia Shidjuu okuKongo, Saima Ndayomuku Eenhana, Hilka Nakanyala kEngela, Ester Shidute naSaima Martin omOnandjokwe.

## ESHIIVIFILO

OSKOLA YOVAYAKULI MOIHAKULILO otai hovele meti- 1. 6. 1968 moshihakulilo mEngela. Oskola ei tai tambula oukadona ovo va pita St.VI.

Eembapila tadi pumbiwa odo: Ondombwedi yaSt. VI,  
Ondombwedi yEongalo,  
Epopilo lomulongi ile  
lomufitaongalo.

Tuma eembapila edi komukulunhu woskola oyo fiyo eti- 30.4.1968.

*Irja Soikkeli,*

## ESHIIVIFO

OHATU SHIIVIFA OOKAUME KOVANDOBE AVESHE, EYAPULO LONGERKI YOKONDOBE, TALI KA NINGWA KOMUBISOFI KALUNGA NGE ESHI HALA METI-7.4.68. OOKAUME AMUSHE OTAMU TELELWA MU HOLOKE KO OPO MU TALE OIMATI YENI.

Ponhele yEongalo

*F. Shikomba.*

## EHANGANO LYUUNI LYOKUTUMA IIPOPIWA YUUKRISTE MORADIO

Oshigongi oshinene oshitiyali shehangano ndika otashi ka gongala muOslo, Norway, okutameka 22-23 ga Juni. Aakwashigongi otaa ka za miilongo 30 okuza kombingavi kehe. Oshigongi (assembly) otashi ka konakona, nkene shi humithe komemo oshilonga shokukwatakaniitha uukriste kaantu methimbo ndika.

Moshigongi tamu ka hogololwa omunashipundi omupe gwehangano naanashilonga yalwe. Otamu ka u thwa oonkatu oompe nkene ehangano tali humu komeho mukulonga.

Dr. Klaus von Bismark, ngoka e noshilonga oshinene metumombepo lyoohapu dhevangeli muGermar,

oye ta ka popya tango. Amushanga omunene gwehangano lyoongerki dhomuuyuni Dr. Eugene Carson Blake ota popi wo. Omumbisofi Fridtjov Birkeli waNorway, oye ta tamekitha oshigongi nomahaleloyambeko kaayenda. Omusimanekwa, omukwaniilwa gwaNorway ota ka kunda wo aayenda.

## OMUKADHONA A DHIPAGWA KONGANDU

Durban.- Omukadhona omuluudhe gwoomvula 10 okwa kwatwa kongandu momulonga Ingwavuma popipi naNdumu muNatal sho a li ta yogo. Omudhimba gwe gwi itsuwa kaapolosi palwe.

Manga aapolosi ya li taa kongo omudhimba gwokanona, ongandu oya kwata ishewe onani noye yi fala momeya. Kotoka nge to hedha pooha dhomulonga.

- 31.8-1.9 Oshivilo shetumo mOukwanyama.  
 8.9 Oshondaha youdiakoni momaongalo aeshe.  
 13-15.9 Oshoongalele shovayakuliongalo moshitaingerki shomOuninginino, Tshandi.  
 27-29.9 Oshoongalele shovakriste aveshe vomongerki aishe mOndobe.  
 29.9 Oshivilo sheefikola doshondaha momaongalo aeshe mongerki.  
 1-4.10 Oshivilo shovanyasha aveshe mongerki tashi ka ningwa mOkavango.  
 4-7.10 Oshoongalele shovakainhu moshitaingerki shomOkavango, Mpungu.  
 18-20.10 Oshoongalele shovakainhu moshitaingerki shomOndonga.  
 8-10.11 Oshoongalele shovakainhu moshitaingerki shomOuninginino, Tshandi.  
 15-17.11 Oshoongalele shovanashilonga momaongalo omoushilo wOukwanyama, Eenhana.  
 18-22.11 Oshoongalele shovakulukadi vovanashilonga momaonga omoushilo wOukwanyama, Eenhana.

“Aanelago omboka ye noonkondo dhawo mungoye nokudhimbulukwa oondjenda oondjapuki!” Ps.84:6.

Owii wa kufa omunhu puKalunga nde ta i mounyuni. Eitavelo lo-shili la dja mo muye. A ninga omukalakali ehe na keumbo lavo. E lininga omushekikalunga, nande Kalunga Oye e mu shitila omwenyo oo ta endaenda nao. Omunhu e litula meliko olo hali lika po keenhwishi, hali olo koilemo nomulunga he li vakepo. A dimbwa okulikongela elikoliko laalushe itali xulu. Omukriste a tya ngaha ota hangika keshunduko. Luk. 12:20-21.

Tu hovele nena okwiindila kuTate yomeulu: E tu kwafe, e tu diinine komusatana wounyuni ou nafye vene tuhe lininge ekonda, ndele tu ha twalwe momalimbililo manene ile meenghedi dij. Ndele nge-nge hatu shindwa koinima younyuni ou, tu kondje nayo fye tu i dule.

F.D.Lilongeni

**OMAFATULULO AMWE KOMBINGA YOIVILO NOYOONGALELE YOMOMUDO 1968**

1) Mefiku 17.3 momaongalo aeshe mongerki omwa ningwa oyoongalele yovakainhu yokwiilikana ngaashi meengerki dikwao muSuidwes-Afrika mwa ningwa yo. Oshoongalele osho oshokwoongala peendjovo daKalunga nokwiilikanena oinima oyo tai popiwa meshikulafano loshoongalele. Eshikulafano otali tuminwa mo mafiku aa. Eongalo keshe nali ke ndabale okulongekida oshoongalele shovakainhu pashikulafano olo moshondaha onhinhatu muMalitsa (17.3) konima yelongelokalanga.

2) Efiku lovadali olo oshondaha onhivali muMai. Moshondaha oyo ovadali aveshe, oomeme nootate otava ningilwa oyoongalele meongalo keshe. Moyoongalele ile moivilo ei eongalo la hala okupandula ovadali molwa oshilonga shavo shinene ve li nasho mokutekula oludalo lavo. Ounona novanyasha otava dulu okwiifanwa va ete epandulo lavo moivilo ei nde va kale ve na omaimbilo nomahokololo moivilo. Oshisho shovakulunhu aveshe, ootate noomeme, shi popiwe moivilo ei. Eshikulafano olo tali dulu okukwafa ovafitaongalo mokulongekida oivilo ei otali ka tumwa keongalo keshe. Lesha efatululo lefiku eli otali ka monika mOmukwetu:

3) Oshondaha youdiakoni oyo efiku etihenhathu muSeptemba. Moshondaha oyo oshilonga ashishe shoudiakoni otashi dimbulukwa momaongalo asho. Unene oohepele novakulupe nava dimbulukiwe neudo moshondaha. Ovanhu ava va ifanwe va kale melongelokalunga nde konima yalo va ningilwe oivilo. Ovanyasha novalumenhu novashiinda vovanhu vatyangaha otava indilwa va kwafe ovakulupe n. sh. t. noku va fikifa koshivilo shavo. Efatululo likwao nekwafo leshikulafano otali ka tumwa yo komesho mangha efiku olo inali fika.

4) Efiku laMikael, 29.9, olo efiku lounona. Mefiku olo meongalo keshe mu kale mu na oshivilo shofikola yoshondaha ile oivilo momikunda yo. Eshikulafano lefiku olo otali longekidwa nde tali tuminwa omaongalo. Eefikola doshondaha nadi shiivifilwe oshinima eshi mangha kuyela.

5) Eshikulafano loivilo noyoongalele ei ola ningwa pamafaneko ovapashukilishitaingerki novaningi vakwao voyoongalele. Noyoongalele noivilo yongerki aishe oya fanekwa kEpangelongerki noya diminwa kulo. Tu kaleni tu na oshisho shokushiivifila ovakriste oyoongalele ei, opo aveshe ovo va longekidilwa oyoongalele neudo va mone omhito okuya koyoongalele yavo.

Omwene Kalunga ne mu punike moshilonga sheni!

Toivo Pentikäinen.

**OONDJIMBO NOMAGALIKANO AGEKE GA LI PO**

Johannes Amanyanaga, Tshandi, Uukwaluudhi, okwa gu moshihauto eti-11.11.67. Okwa mono oshiponga meni onerve yimwe ya sa na okwa falwa moshipangelo mOshikuku moka a kala mombete yuuwehame omwedhi. Oondohotola ya dhimbulula omwa li onerve yimwe ya mona oshiponga, onke ombinzi inayi thika apehe molutu. Osho ngaaka Amanyanaga etu thigi po 14.12.1967.

Mboka yali pehulitho lye oya ti ngeyi: “OONDJIMBO NOMAGALIKANO AGEKE GA LI PO” Tashi ti, nakusa peso lye okwa kala ta imbi nokugalikana. Shika oshe tu pe omukumo mboka twa thigwapo mekondjo. Ngame omuselekadhi naanona yetu ya 5, tu kondje meitaalo.

Otandi mu indile one ookuume naalongi yandje mwaa tu dhimbwe momagalikano. Opo tu ka hulithile meitaalo ngaashi tate nakusa Johannes Amanyanaga.

Omutesyithi omuselekadhi gwe,  
 Eva Amanyanaga.

*Petrus Shijukifeni, Ondangwa, ota ti:* Ohandi pandula Ongerki-yOwambo-kavango eshi tai ehenifa komesho mehongo ovanashilonga, unene ovo tava mono omapukululo mounongo muwa moilongo yopondje. Ohandi hambelele Kalunga omolwomhito oyo.

*Julius Aludhilu, Oniipa, ota nyola:* **Ethigathano Iyaakriste.** Kamu shi shi omboka haa matuka mondjila yethigathano, ayehe otaa matuka ihe gumwe ta hakana ondjambi yesindano? Matukeni ano ngaashi ngwiwaka. Omuthigathani kehe ohi idhilike iinima ayihe. Inatu matuka ano osima, ihe tu matuke tu hakane oshishani shaaluhe.

# OUNYUNI OTAU TONGO SHIKE

## OVALANGE OTAVA ETWA PAIFE PO- NDANGWA

Grootfontein otashi udu sha ehamekwa.

Opa shiivifululwa kutya: Okutama efiku lotete laApilili neudo, ovaunguli Ovawambo ovo hava di nokuuya kuC.D.M., otava etwa fiyo opOndangwa na ovo tava i koilonga kOlange opOndangwa tava londele. Tashi ti, odila yavo itai wile vali mOshivanda.

Shito ovalange ohava helukile mOshivanda. Ovanafitola vomOshivanda ova li hava landwa nawa kovalange. Paife eefitola domOshivanda otadi ka ehamekwa, eshi da kanifa ovalandi ava. Mokukufa nokutwala ovalange kOndangwa C.D. M. vati ota futu ombiliha, shi dule eshi kwali he va kufa mOshivanda.

### OMUWILIKI WONGERKI A XULIFA OWEENDA

ST. LOUIS, (U.S.A.) - Dr. John W. Behnken, omupresidende omufimani wongerki yakula yOvakwaluther moubangalanhu waAmerika, okwa fya efiku eti-23 laFebuluali moshilando Hollywood muFlorida (U.S.A.).

Dr. Behnken, womido 83, okwa pewa edina "omupresidende omufimanekwa" wongerki Lutheran Church-Missouri Synod, eshi a yakula ngomupresidende ongerki oyo omido 27 okudja 1935-62. Okwa hakulwa moshihakulilo oivike ihama-no molwoudu womutima.

### OSHIPONGA SHOMODILA

Odila yOvafransa yedina "Boeing 707 Chateau de Pognac" mwa li ovanhu 63 va dile moilongo 11, oya mona oshiponga nde oonakukala mo aveshe ova fya. Oye lidenaga mondudu "La Soufriere" i noule weefute 4,000, fimbo ya li tai tengele popepi nokapale.

### VAMWE 40 MUAMERIKA VA FYA

Da Nang (South Vietnam).

Odila yOvaamerika oya xwama eshi ya li popepi naKhe Sanh nde tai mbolokotele pedu. Ovanhu 40 va li mo ova fya. Vati oya yashwa ketenda la umbwa okudja pedu kovasolotati vaNorth Vietnam va li meendudu dopuKhe Sanh.

## OHANDI MU PANDULA UNENE

Omutaleli nale weefikola doshiwana mOukwanyama, omushamane Immanuel Nghixulifua, ota nyola ngaha:

Efiku eti- 8. 8. 67 potundi onihano oshishingifo shoshihauto shange osho nda li handi shingi, osha tokoka. Oshihauto sha kandoma nde nda mona oshiponga shinene momutwe. Oivike ivali itandi li, kandi wete ko nde kandi shii apa ndi li. Moshihakulilo shaTsumeb nda yakulwa nawa. Tangi unene kovahakuli venya. Moshihakulilo onda kala mo omwedi umwe. Onda dja mo 14. 9. 67 nde onda shuna nombili keumbo.

Meumbo nokoshihakulilo onda yakula eembilive 43 neetelegrama 15 dookaume tava halele nge eveluko noukolele. Vamwe vahapuvahapu ova talela nge po meumbo nde ova halele nge oukolele. Paife ondi li nawa nde ohandi mu kundu ookaume nye amushe.

Nghixulifua okwa pita moseminari 1950. Okwa honganga ofikola kOikokola eedula mbali. Eedula nhatu omofikola kOshigambo a kala. Omido 1956-1958 asst. onderwyser mEngela, 1958-1961 omukulu-nhufikola mEngela, 1961-1962 ohamushanga wepangelonongelo mOhangwena nomudo 1962-1967 omutalelifikola. Opo a dja mo moilonga nopaiife omunashilonga moilonga yeehenokomesho (inligtingsbeampte).

### EPUKULULO

Matheus Immanuel, Oniipa, ota ti: Lungama mokweenda kwoye. Ngenge wa fya enota ove to ka pita mokamba, lungamena ehalasha omo to pelwa, osheshi omwa nwinwa nale koovakweni omilongo nomilongo. Opo tuu to tenheke omulungu woye, mukweni ou wa hanga po opo a tenheka yo tete omulungu waye. Tala eembuto tadi tandavele ta. Ndishi otwa lenga edimo, keshe omo wa pelwa ove oto fekula ashike, ito tale nande oukoshoki woovene vokamba noinima yamo. Nye omu hole okulifiila mo, omukalo oo inau wapala.

AKKRA. Oshifo Suidwes Afrikaner sheti-23 Januari osha hokolola kutya: Oshifo "Sunday Mirror" sha hokolola omupresidende nale wa Ghana, dr. Kwame Nkrumah, pamwe ota dimo muGuinea a ye kuKuba, oko a kalelele.

Vati ovanhu 100 ovo a kala navo muChina eshi a ile ko moshipyu, ova hala okushuna kuGhana, osho oshifo sha nyola.

## DR. BLAIBERG OKWA YA KEUMBO NOMUTIMA MUPE

Dr. Philip Blaiberg, omuhakulwa aeke mounyuni aushe e nomwenyo natango eshi a tulwa omutima, okwa djamo paife moshihakulilo Groot Schuur muKaapstad omo a kala e-fimbo lile nde okwa ya keumbo laye, e udite a ndjanga.

"Paife ondi li nawalela," osho a lombwela ovatoolinghundana, ovafaneki novanhu vahapu va li ve uya va tale eshi ta piti moshihakulilo.

"Onda hafa eshi handi i keumbo. Tangi kunye amushe ovo mwe uya okutala nge noku halela nge ouwa," osho a ti. Moshihakulilo okwa ninga mo omafiku 74 okudja fiku a tandwa.

Omukulukadi waye okwa li puye. Ovanhu ova denga kumwe omake. Omutandi waye, professor Chris Barnard okwe mu findikila pondje yoshihakulilo. Blaiberg okwa londa moshihauto. Oshihauto sha enda kanini mengafifi lovanhu nde ova ya keumbo laye nongudu oya halakana

### EDINA LAKO MIKAEL

Eongalo IOvawambo, neongalo IOvandowishi omaongalo aa avali okwa ninga ongalobezaar. Oya wa eeranda di dule R300.00. Omupashukilimaongalo muTsumeb omufitaongalo E. Heuer a landa okamota (motorfiets) opo omufitaongalo meongalo IOvawambo a talele po ovakriste, ovo ve li kokule noshilando. Okamota aka oka lukwa Mikael, paife Mikael okwa ile molweendo. Onda heluka ko ne, ohai fuda po kanini momudile womuti. Tala onomola yaMikael No. ST. 1141.

Okamota aka oludi leendjipa, hano ondjipa yoovene yomoumota. Ovanwameme ovafimanekwa, meongalo IOvawambo nomeongalo IOvandowishi (Duitsgemeente), Omwene ne mu hapupaleke onghe-nda oyo mwe i pewa kOmwene, oku tala omaluhepo ovakriste ovo ve li konima yomangade.

Meester Reinhold Jesaja, ou a li a pewa omhito, a landule eenhu dovakriste ovatilyane okukonga ongalo, Omwene ne ku yambeke Meester. Edina IOmwene nali fimanekwe.

Malakia Hauuanga,  
Tsumeb.

### OMBILI KAALESHI AMUHE OSHOKA OSHIFO SHIKA OSHA TOKELWA NOONKONDO.

ANO OMOLWOMAIMBO GAWWE NGAA MIILONGA YENYANYANGIDHO.

**OILYA OI LI PO IHAPU,  
NDELE OVALONGI OVANINI**  
Mat. 9: 37

Okudja efiku eti-9 fiyo 13 laFebuluali, ofye nomuhongi Toivo Pentikainen neumbo laye noofelani: Helmi Makkonen naHelka Honkanen otwa kala molweendo lokutwala onghundana iwa tai popi Omuvalelwa komushiyakano nomunyumnwa koufi Jesus Kristus kovapaani vomouninginino wOwambo.

**Omindaba:** Efiku eti-10 otwe li penduka pOmindaba. Ponhele ei nomomudingonoko wayo, tamu kala ovapaani: ovakolonghadi, ovadimba, ovandongona novashike vali. Ounona voiwana oyo, va tilyanena eteyo laKalunga. Nokuvo yo ouhamba waKalunga u li mokweehena popepi ndele ovahokololi velidilululo nohole yaKalunga ovo ovanini. Mokati kounona ava, otamu longo omulongi Selma Gweendama oo a yapulilwa oshilonga shetumo eti-28. 1. 68. Okwa hovelele nounona 59, ndele paife ove li 108. KOukwaluudhi okwa dja okakadona kamwe ka pita St. VI, ka kwafe Selma moilonga. Ndele etumbulo laJesus Omwene wetu otali kala li neenghono natango: "Oilya oi li po ihapu, ndele ovalongi ovo ovanini." Kristus okwe lineekelela Ongerki yOwambokavango oilonga yaye mokati komaludalo oo. Natango oku nefimbo ndele la endelela oku va ninga ovahongwa vaKristus Jesus noku va longa okudiinina exupifo li li muye. Mat. 28:19,20. Ovalongi ava mwa pita moseminari, Kristus te mu pumbwa pee mOuninginino.

**Etunda:** Okudja pOmindaba, otwa ya ketunda. Apa yo opu nounona vahapu. Ovalongi ove li po vatatu. Movalongi ava mu na ashike umwe a pita nale oseminari, omushamane Soini Nuuyoma. Eenghono mokulonga tadi pumbiwa di wedelwe apa. Omolwoluhepo lovalongi, alushe oku na ashike Sub A, B, noluhapu ounona va shuna ashike mongudu imwe. Vamwe va loloka nova efa novamwe va ya kOlumana kuKaokoveld, ve likongele ko ngeno eefikola. Ounona ava va dja kokule va kalela ofikola pEtunda, tava mono oikulya yavo nomulele pongulu. Oumati otava nangala momatala noukadona mongulu yofikola. Ongula nge taku shi, ova li ve nokukufamo oikumbafa yavo nokuwapaleka opo eetundi di hovelwe. Etunda ita-

li tu pula ashike oku li monena ovalongi, ndele otali tu ifana yo okulongifa omaliko etu, opo tu idilile nokunangeka ounona venya meenhele di dule odo ve li paife.

**Etoto:** Okudja mEtunda, otwa ya pamwe nomwev. Samuel Mateus nomukristelela omudimba Jeremia Shilumbu, twa yuka meefuka deendundu daKunene nokupitapita pomaumbo noiunda yovakwakuti, Ovahimba. Molweendo eli inatu dula okweendelela, osheshi konyala apeshe opo twa shakeneka ovanhu, twa li tu nokuhokolola ohole yaKalunga muJesus Kristus. Omikulambo deendudu neefifiya, dako odo eendombwedi detu kutya, taku kala kwiinya ovanhu ve li momilaulu fokofoko doupaani. Ovahimba nande vakukutu, paife tava nyengena momitima unene mounona. Nokuli lwotete omuhimba umwe e tu pa omona waye a ka longwe kuThsandi. Hano olweendo letu oli nehistori kovahimba. Tu ilikaneneni omumati ou Johannes a longife omhito yokulongwa opo a dule oku ka kwafa oshiwana shaye.

Okufika kEtoto, onda dimbulukwa diva kutya, Jeremia oku noshilonga shinene okuudifila ovapaani Evangelii nokupameka ovakriste vakwao meitavelo. Eumbo laJeremia Shilumbu oli li kuKaokoveld, onghe ta longo peenhele mbali: mEtoto lomOwambo nomEtoto lokuKaokoveld. Keembinga adishe ovakriste otava ongala momiti, omo tava tange nokupandula Kalunga omolwEKULILO. Okuuda eenhele mbali omo tamu longo Jeremia, otashi tu hololele kutya, oilya oihapu unene okulongwa kuJeremia oye aeke. Jesus ta ti: "Ilikaneni hano Omwene woilya a tume ovalongi meteyo laye" (Mat. 9: 38).

**Otyiwanaty:** MOtyiwanaty omu na omukriste Malakia Kakongo. Oye ta kwatele vakwawo komesho. Eumbo laye tali holola, oli li ouyelele mokati komaumbo ovapaani penya. Omaumbo ngaa, taa pumbwa okwiilikanenwa opo ohandje yEvangelii i teme nokutemenena. Jesus ta ti: "Onye ouyelele wounyuni." Omilaulu doupaani odihapu ndele ovaminikili ovo ovanini.

**Twa ifanwa:** Ohatu ifanwa moita yOmwene okukondjifa satana. Omwewangeliste Samuel Mateus okwa luka okana kaye kamwe: **Tuli-metumo**, kutya ye adulika koshipa-

ngo shaKristus: "Indeni nounyuni aushe nye mu ka udifile ovashitwa aveshe Evangelii" (Mark. 16: 15.) Edina lokamona kamwe: **Ilenimo**, otwa shivwa tu ye moilonga yaKalunga. Otwa ovelelwa momitumba detu: peengulu, momaumbo nomomaongalo etu. Ohatu pumbwa eenghono dOmhepo Iyapuki tu dimbulukwe kutya, otwa ifanwa kuKristus tu tauluke eengaba deenghalo detu. **Oil. 1: 8.**

Omwevangoliste Jonas Shikulya okwa luka okana kaye: Kirsti **Kaumekovapangi**, ta holola olupandu nefimaneko kovapangi, osheshi oshikefa shehanganotumo lovapangi tashi mu kwafa. Ndele medina omu na sha shi dule opo. Fiyo opapa moshinyolwa eshi inandi tumbula edina lomupangi. Inandi va mona ko. Hano Kirsti ota ifana okaume kaye ovapangi.

**Ouhaku tau pumbiwa:** Onde shi dimbulukwa, oku na vahapu tava vele otjiuru (omutwe) nexuli (edimo) nomikifi dikwao noipute. Molweendo oofelani: H. Makkonen na H. Honkanen ova li ve noshilonga shiwa shokuhakula. O, onda eta onghenda inene eshi ovanhu venya vehe noipangelo novapangi. POmindaba apeke tapu monika ekwafolomiti. Ongudu yovakainhu meongalo laNakayale oya diinina oilonga yehondjo fiyo moilonga yavo mwa dja osho sha tungifa okapangelo kanini kOmindaba. Omuyakulipangi Martta Mika e liyandja metumo a ka yakule mokapangelo kenya. O, Kalunga nahambelelwe shili.

Oonakuliyandja metumo noonakulongela etumo otave tu hololele kutya, Ongerki qi nomwenyo. **Omwenyoye wOngerki otau monika nge-nge tai longo oilonga yohole noku-tandavelifa evangeli mokati kovapaani.** Omukriste ou ite linyenge noku kwafela oshilonga shetumo, oshinhibu sha fya mOngerki yaKristus. Tu longeni nokwiilikana omwenyo wOngerki yetu u monike koiwana tai kana ihe nOmuxupifi. Iinashi wana ashike okwiilikana Omwene a tume ovalongi meteyo laye. Onawa unene fye tu kale tu na enyamukulo kOmwene: "**AME OU TUMENGE**" Jes.6:8).

Abisai Shejavali  
Oniipa, 21.2.1968.

"Indeni ka ningeni aantu ayehe aalongwa yandje," Jesus a ti.